

義寧州志卷第三十二

雜記

蘭臺蓬觀秘笈靡涯諾臯充俎侯鯖列腴府藏雖富庖厨均佳遺書逸事娛目遣懷或莊或諠亦雅亦諧詭異罔攬細碎弗排名言散見百氏與儕志雜記

吳猛嘗有服椒訣詩云其椒應五行其仁通六義欲知先有功夜見無夢寐四時去煩勞五臟調元氣明目腰不痛身輕心健記別更有異能三年精自秘回老返嬰重康強不思睡九蟲頓消亾三尸自逃避若能久餌之神仙應可冀

宗懷荆楚歲時記

分寧黃滋嘗行山中遇道士騎白驪顧見滋為下鞍相語將別以所乘驪贈滋戒曰善視之汝自此有貴男子矣滋受

義寧州志

卷三十二

雜記

一 四百七十

之行數里復追及乃以手扶時驪頰間得大珠如拳而去既而滋生子庠穎悟異常天聖中應國學舉第一明年南省復冠多士時俊聲滿四方未殿試而屬疾仁宗手自封葯賜之有旨特展試期以俟庠起然竟淪殂以為取珠之

祥能改齋漫錄

彭季長思永宰分寧與周茂叔同時茂叔官吉州彭為推官茂叔作詩序曰予於慶歷初為洪州分寧縣主簿被外臺檄承乏袁州盧溪鎮市征之局局鮮事袁之進士來講學於公齋談及今朝江左律詩誦彭推官詩者六七俄聞為寧新邑宰尚未逾月而才明之譽已飛數百里有謂惇實曰邑宰思永即向所誦詩推官也暨還邑局問推官之詩

益多濂溪集

黃靡字富善庠之弟官京兆法曹謁府既進賔吏傳聲跪起靡揚言曰天子命我相爾卿士均王官也何拜之有即解冠裳歸隱徐禧靡之甥少嘗受學後禧以獻策拜官歸謁不為起問何以至此禧具言所以徐曰不由科第門廕也得官耶

舊州志

元豐中王闢之調博州高唐令往別監察御史黃夷仲

廉夷

仲口占一絕謔之云高唐不是那高唐風物由來各異鄉若向此中求薦枕只應愁殺楚襄王此雖談亦足以辨輿地之殊也

山東通志

余良肱有和蔣穎叔涇溪詩一絕云畫軻夷猶紫翠間暮雲如掃月如環三山六水須臾過俗似嚴陵七里灘

寧國府志

黃魯直為泰和令一日勸民出東郊聞竹林中哭聲回登快

義寧州志

卷三十二

雜記

二 五百零五

閣隱卧夢飯鮓魚及覺猶若在口也起馳竹林見一老嫗哭之哀墓前列飯鮓為詢其故嫗云平生只有一女死若千年矣因詢其日月即魯直所生之辰遂輿老嫗歸終身養之因自贊曰似僧有髮似俗無塵作夢中夢見身外身

吉安府志

魯直有癡弟畜漆琴而不御蟲蝨入焉魯直嘲之曰龍池生壁蝨而未有對魯直之兄大臨旦見牀下以溺器畜生魚問知其弟也大呼曰我有對矣乃虎子養溪魚也

後山詩話

魯直季妹適張仲和有詩云有齋先生之季女十年擇對無可人箕帚掃公堂上塵家風孝友故相親一姊適王純亮字世弼魯直有詩云墨以傳千古文章之神歌以寫一家兄弟之情江山千里頭俱白骨肉十年眼終青一妹適李

安詩亦文章士豫章書

黃相小字小德山谷子生母出於微賤故谷詩云解著潛夫論不妨無外家坡次韻有云名駒已汗血老蚌空泥沙山谷在黔州與王瀘州帖云小子相今年十四骨相差龐厚又詩云小兒未可知客咸許敦龐全上

山谷晚年作日錄題曰家乘取孟子晉之乘之義謫死宜州永州唐生從之遊為經紀後事收拾遺文獨家乘倉忙間為人竊去尋訪不可得後百餘年史衛王當國有得以獻者史甚珍之後黃伯庸帥蜀以其為雙井族乃以贐其行

全上

按老學菴筆記云魯直有日記謂之宋乘至宜州猶不輟書其間數言信中者蓋范寥也高宗得此書真本大愛之置御案徐師川以魯直甥召用至翰林學士上從容問信中為誰師川對曰嶺外荒陋無士人不知何人

義寧州志

卷三十二

雜記

三 五百三十

或恐是僧耳寥時為福建兵鈴終不能自達而死

山谷叔父某性豪甘酒常在醉鄉婦章氏伺其不甚醉時諫曰君終日如是使諸子皆法象何以為家某曰吾兄弟之子多賢克家者自當不法我而法彼山谷全書

山谷僕余成忠信不二執鄙事八年未嘗見其過其畏得而好德畏不善而慎罰躬行而心安樂自少至年六十猶一日察其私持廉甚謹而遠名山谷嘗與僚友論其人雖古之學問士大夫木強而厚於遠如第五公胡威未能遠過且自謂貧不能脫其役與同歸江湖之上作詩識媿曰丹籍生涯無列鼎白頭忠信可專城自非車騎將軍勢媿使

王尼常作兵全上

山谷為雲巖悟新和尚作建轉輪經藏記方刻碑時有陳主

簿者請以先墓銘附刻碑陰新不允陳時其亡刻之數日有震於石者銘刻盡剝而藏記獨存或云有以蔡京墨跡刻碑陰者遭震而毀惟山谷之文無一損後諱之乃云陳主簿刻其先墓銘云

豫章志

孫莘老嘗謂老杜北征勝退之南山詩王平甫又謂南山勝北征終不能相服時山谷尚少乃曰若論工巧則北征不及南山若書一代之事以與國風雅頌相為表裏則北征不可無而南山雖不作未害也二公之論遂定

范梈木天禁語

黃魯直好作豔語詩詞一出人爭傳之時法雲秀老謂之曰詩多作無害豔歌小詞可罷之且公文詞之富翰墨之妙甘施於此乎魯直笑曰空中語耳非殺非偷終不以此墮惡道也豈亦欲置於馬腹中乎秀曰李伯時但以念想在義寧州志

卷三十二

雜記

四 五百三十六

馬腹墮落不過止其一身今公豔語實蕩天下心使其信以為然蕩而不返則踰越禮法冒犯廉耻無不至矣罪報何止入馬腹定當入泥犁矣魯直頷之自是不復作詞曲

李昌齡樂善錄亦見冷齋夜話並參錄之

朱文公謂江西文章如歐陽永叔王介甫曾子固做得如此好亦知其皜皜不可尚已至於詩則山谷倡之自為一家並不蹈古人町畦陸象山云豫章之詩包含欲無外搜抉欲無秘體製通今古思致極幽渺貫穿馳騁工夫精到雖未極古之源委而其植立不凡斯亦宇宙之奇詭也開闢以來能自表見於世若此者如優鉢曇花時一現耳楊東山嘗謂余云文夫自有冲天志莫向如來行處行豈惟制行作文亦然如歐陽之文山谷之詩皆所謂不向如來行

處行者也

鶴林玉露

朱子曰山谷詩精絕知他是用多少工夫今人卒乍如何及得可謂巧好無餘自成一家矣但只是古詩較自在山谷則刻意為之

朱子語類

牟存叟字端明為當塗令嘗題山谷當塗返棹圖云幅巾兮野服貌腴兮神肅孤騫兮風雅唾視兮爵祿我思古人伊黃山谷曷為使之六年僂道而九日姑孰也其符紹之朋黨與組織寺記指摘實錄吾觀返棹之圖未嘗不感君子之流落而痛小人之報復惟公之高風兮渺驚鴻之不可以信宿矧吾道猶虛舟兮其去來又何所榮辱也

周弁齊東野語

龐道者名超悟家富於財父母死無兄弟年三十不嫁聞山谷食素遂盡散其貲與族人作頭陀從山谷不衣帛不卧

義寧州志

卷三十二

雜記

五百一十五

榻一齋之外水亦不飲山谷嘗作硯銘勗之曰付龐道者學道之心如此堅石則得矣道者嘗繡觀音山谷為贊之

全上

徐德占為御史中丞不敢見人朝路見南豐叙致甚恭南豐待之甚踞云公是徐禧久聞公名

云云○朱子語類

蹙融或謂之蹙戎漢書謂之格五雖止用數棊共行一道亦有能否徐德占善移遂至無敵其法已常欲有餘裕而致敵人於險雖知其術止如是然卒莫能勝之

夢溪筆談

李撰徐禧為同時人善景德寺嚴法華嚴死又與小法華善一日法華引禧撰往相國寺小巷中至一茅茨間見一老人藉薦而坐老人見撰曰華山童子也得也得次見禧詫曰許真君兒五代時宰相殺人多減三品後禧敗永樂以

給事中贈金紫光祿大夫果第四品也禧洪州人家住許

真君觀後

孫公
談圃

空室道人智通龍圖范珣女幼聰慧長歸丞相蘇頌孫悌未
幾厭世相還家清修因看法界觀有省兄涓領分寧尉通
偕行聞雲巖死心名重就謁之心見知其所得問一雨所
滋根苗有異無陰陽地上生個甚麼通曰一花五葉復問
十二時中向甚麼處安身立命曰和尚惜取眉毛好心打

曰者婦女亂作次第通禮拜心然之

雲巖
志

莫少虛尚書家分寧因官西蜀謁南堂靜禪師咨決心契堂
使其向好處提撕適如廁俄聞穢氣急以手掩鼻遂有省
即呈以偈曰從來姿韻愛風流幾笑時人向外求萬別千
差無覓處得來原在鼻尖頭

全上

義寧州志

卷三十二

雜記

六 五百三十五

建炎末王承可侍郎居分寧田舍一夕夢黑衣男子約三十
輩兩人知夫婦立於前餘皆列於後泣拜乞命夢中似許
之明晨閒步門外逢村民負鰲來傾置地上二大者居前
餘二十六枚在後恍惚如夢中所見遂買而投諸深溪夜
復夢二黑衣來謝且吟詩二句云放浪江湖外全勝沮洳
時超然有自得之意

堅瓠
集

紹興中朝廷令司諫韓璜提刑廣東往廉按番禺帥王鈇鈇
憂甚寢食幾廢有妾故錢塘娼問主公何憂鈇告之故妾
曰不足憂也璜即韓九字叔夏舊遊妾家最歡好須其來
强要之飲妾當有以敗其守比韓至鈇郊迎不見入城乃
見岸然不交一談次日報謁鈇宿治具於別館茶罷邀遊
郡圃不許固請乃可至別館水陸畢陳伎樂大作韓踖蹠

不安鈇麾去伎樂陰命諸娼淡粧詐作姬侍迎入後堂劇
飲酒半妾於簾內歌韓昔所贈詞韓聞之心動狂不自制
曰汝乃在此耶即欲見之妾隔簾故邀其滿引至再三終
不肯韓益急妾曰司諫曩在妾家最善舞今能為妾舞一
曲即當出韓醉甚不知所以即索舞衫塗抹粉墨踉蹌而
起忽跌於地鈇即命索輿諸娼扶掖而登歸船昏然酣寢
五更酒醒覺衣衫拘絆索燭覽鏡羞媿無以自容即解舟
還臺不敢復有所問此聲傳播旋遭彈劾鉄迄善罷鶴林玉露
紹興間蘇養直與徐師川同召師川赴養直辭師川造朝便
道過養直留飲甚歡二公平日對奕徐高於蘇是日養直
拈一子笑視師川曰今日須還老夫下此一著師川有媿

色全上

義寧州志

卷三十二

雜記

七百五

高宗紹興二年十有二月右諫議大夫徐俯入對勸上熟讀
光武紀上書以賜之曰卿近進言欲朕熟看世祖紀以益
中興之治因思讀之十遍未若書一遍之為愈也先以一
卷賜卿雖字惡甚無足觀者但欲知朕不廢卿之言耳俯

因建亭於東湖上以藏御書東湖古記

徐師川豫章之甥然自為一家不似涇陽高自標樹藐視一
世同時諸人多推下之然集中不能皆善舊傳豫章見師
川雙廟詩勉諸洪進步今雙廟詩不存則其詩零落亦多

矣劉後村集

師川當偽楚僭號時買婢名昌奴挺然以名節自任其詩云
直道庶幾師柳下不應四海獨詩名可謂實錄諸人所以
推下之者蓋不獨以其詩也全上

茶山云師川擬荆公細數落花因坐久緩尋芳草得歸遲云
細落李花那可數偶行芳草步應遲初不解其意久乃得
之盖師川專師淵明淵明詩皆適然寓意而不留於物如
悠然見南山東坡所以知其決非望南山也今云細數緩
尋留意甚矣故易之老學菴筆記

徐師川以諫議召程致道在西垣封還除書言與中貴人唱
和魚須之句為人所傳朱文公語錄云師川遊廬山遇宦
者鄭諶與之詩後村謂徐集不載魚須之篇愚考集中有
次韻鄭本然居士云頗知鶴脰綠詩瘦早棄魚須伴我閒
本然居士或即鄭諶歟困學紀聞○原注

按朱文公語類云師川微時嘗游廬山遇一宦者鄭諶與之詩曰平生不善劉蕡策色色門中看有人後入樞府鄭時適用事模樣似有力焉據此則伯厚所載魚須之句恐屬傳聞異詞本然居士亦未必即諶也又老
義寧州志 卷三十二 雜記 八 五百八十

學菴筆記云師川得至兩府亦緣其不附邦昌偽命其父又死王事耳當時士大夫持論亦似過刻

紹興三年以徐俯簽書樞密事簽樞下執政一等至是
特詔鈞禮又例外賜以金帶高宗實錄

東湖徐師川俯紹興初由諫垣遷翰范贊幾命輝乾道丁亥
在上饒從公季子珪游因叩家集云詩已板行他無存者
久而得奏議於殘編斷簡中猥并錯亂不可讀乃為整綴
成十卷附以雜文一卷寫以歸之公視山谷為外家晚年
欲自立名世客有贄見甚稱淵源所自公讀之不樂答以
小啟曰涪翁之妙天下君其問諸水濱斯道之大域中我
獨知之濠上及觀序修水集造車合轍之語則知持此論

舊矣清波雜志

師川言作詩立意不可蹈襲前人因言慈母溪與望夫山相

對望夫山詩甚多而慈母溪古無題詩自誦其末兩句云
離鸞只說閨中事舐犢那知母子情

呂氏童蒙訓

師川曰余於東坡山谷瑩中三君子皆知敬畏者也然其瑕疵余能笑之如東坡議論諫諍真所謂殺身成仁者其視死生如旦夜爾安能為哉而欲學長生不死山谷赴官姑孰既至未視事聞當罷不去竟俯就之七日符至乃去問其故曰不爾無州吏可遷夫士之進退大體欲分明不可苟也豈以州吏為累耶瑩中大節昭著其能必行其志者視爵祿如糞土然猶時對日者說命此皆顛倒也吾故笑之

冷齋夜話

汪彥章為豫章幕官一日會徐師川於南樓問師川曰作詩法門當如何入師川答曰即此席間杯杓果蔬使令以至

義寧州志

卷三十二

雜記

九 五百一十五

目力之所及皆詩也君但以意剪裁之馳驟約束觸類而長皆當如人意切不可閉門合目作鐫空妄實之想也彥章領之逾月復見師川曰自受教後准此程度一字亦道不成師川喜謂之曰君此後當能詩矣故彥章每謂人曰其作詩句法得之師川

獨醒雜志

余庠字公序寧仲之子良肱之曾祖也累贈禮部刑部尚書生甫三月時暴兵入鄉村家人急竄倉卒遺庠卧內三越宿無人護視惟有隣家一黑犬朝夕乳哺之不去若解人意然時皆以為異後寧仲卒塋於長茅安居均埋其犬於墓側至今稱為烏龍塚云

舊志

黃公準魯直弟志趣高遠嘗於櫻桃洞峯頂結茅木杪名雲巢自號巢雲居士僧惠洪詩畧云江南一峯獨高寒時時

笑語雲間宿弟兄出處兩相高故作雲巢對山谷修水備考

按洪駒父雲巢詩有句云宴坐經行飛鳥上人間榮辱不到耳

陳後山云少好學老而不厭及一見黃豫章盡焚其稿而學焉豫章以為譬之弈焉弟子高師一著僅能及之爭先則後之此可為學文之法困學紀聞

陳無己與晁以道俱學文於曾子固無己晚得詩法於魯直他日二人相與論文以道曰吾曹不可負曾南豐又論詩無己曰吾此一辨香須為山谷道人燒也風月堂詩話

黃元明云魯直舊詩千餘篇中歲焚三之二存者無幾故自名焦尾集其後稍自喜以為可傳故復名敝帚集晚歲復刊定止三百八篇而不克成今傳於世者尚幾千篇也避暑

錄話

義寧州志

卷三十二

雜記

十四百九十五

黃子邁隆於友愛兄將之官夷陵未至沒於荆南子幼喪不能歸子邁馳赴之經大澤中迷失道間闕久之始得草廬宿焉或告曰虎方食人而去瀕於危矣而無他虞盖有相之者耳袁潔齋集

子邁試銓曹占高等時戶曹缺筠州最近吉州倍之子邁應得筠或言親老且貧不堪淹久幸遜我子邁與之非雅故欣然許之即改注吉部胥相顧駭曰聞有急近次而爭者矣茲乃有遜人者耶全上

子邁官吉州龍泉簿始至吏或密請使令子邁瞪視之請不置訪其故乃前此有吞其飲器之餌拱手聽所為莫敢誰何者一日復請數之曰爾謁我不知耶忍而不發不欲暴前官短耳急去無污我遂罷遣之全上

歸安女巫遊仙夫人誰惑寓公達於官府子邁為令杖其人
盡取其土木偶投洪流中其他挾邪術惑民者一切蕩刷
無遺類上全

金使踰淮以錫燕撤樂疑不即赴子邁為接伴使諭之曰本
朝成肅皇后几筵未撤皇帝未即吉國樂未舉非有他也
且北使值國諱日猶不預宴况國郵重輕較然尚可疑乎
北使矍然聽命上全

子邁不治產業惟法書名畫古器物是好一日得山谷帖數
十卷值千金傾橐償之對客卷舒喜見眉睫曰吾不貧矣
又樂與名勝宴集不計費故其家屢空或獻詩云官大屢
持節家貧猶典衣子邁曰此真善形容我者上全

子邁少夢遊大官府丹碧晃耀與塵世殊金書淮南二大字

義寧州志

卷三十二

雜記

十一 五百

揭其上及護客維揚仰視所揭適與夢符歎曰人生萬事
莫非前定今日馳驅王事乃兆於四十年前之夢信不偶
然將漕於淮竟以易簣上全

黃克昌子邁從姪為名公所稱嘗示劉後村甲稟丙稟春風
雜詠過秦詩字其名曰紹谷集曰後谷後村稱甲稟已有
鼻祖熙豐氣骨丙稟而後則漸入元祐建中境界使加駸

駸黔宜晚筆矣後村集

黃子耕題台州郡圃桃源詩本自深村老圃來偶分符竹到
天台漫山幸可容桃李莫待劉郎去後栽見赤城志葉水
心墓誌云子耕詩詞如徑幽薄超高邱宇宙曠風露綽
約人謂非子耕所能魯直遺墨散落收拾未盡爾

陳杰字壽夫分寧人淳祐十年進士制置司屬官有自堂存

稟舊志遺其人杰有題梅壇毛慶甫雲悅樓詩白衣蒼狗
無猜物翻手悲歡變古今輸與道人長快活看渠起滅不

關心梅仙
事實

皆春園在東湖傍宋分寧章丞相鑑所闢竹石叢峙花木疎
野豐城王提舉義山請於章願得以娛老章慨然畀之為
易其扁曰共春園義山字元高豐城人通易學兼工詞賦
予藏有其稼村集詹詹小言而時有致至其易未見也章
號杭山度宗時為丞相立朝寬厚人多許可士大夫目為
滿朝歡居鄉以長者稱相隔四百年吾郡不復知分寧有
此相矣○杭山當元革命之後屏居山中布衣蔬食恬然
也過毛竹山有句云不信世間陵谷變野樵偏識舊衣冠
此豈不高於劉忠齋輩數倍哉陳士業江
城名蹟

義寧州志

卷三十二

雜記

十二 五百二十五

黃然字超然庭堅之孫隆興中官右朝請郎知台州過蜀嘉
陵題涪翁亭詩云清音妙絕東坡老方響名高太史公水
邊鳥飛談笑外江連洪雅畫圖中方輿
勝覽

宋翰舊志載開寶二年進士官吏部員外郎有題涪陵郡詩
云錦繡洲猶在熊羆夢已無文風齊兩蜀仙洞接三台白
石從天設青崖見地圖荔枝妃子國不復曩時輸全

分寧陳至甫山莊有槌搗石陳夜步月忽聞雞鳴石上即視
之不見移石於庭數步外次宿鳴如故陳揭石以歸每月
夜置月光中雞必鳴其子剖石視之有雌雄二雞文采奕

然可觀續太平廣記又洪邁夷堅續
志陳甫山莊有槌藁石

嚴仁勇新喻人理宗朝任分寧尉時有趙縣丞者頗有吏才
宰嘗招同官及宅眷飲丞妻獨不肯飲且數垂淚宰妻怪

問丞妻請問曰我夫昨任某簿罷任在湖中被此寇將一家俱殺獨留妾以為妻就用夫主誥勅調此縣丞同行六人背上各有三點號或為書院官或稱親戚晝則散處夜則同宿獨此寇能書判推以為首妾不甘其辱耳仁勇時以能稱宰密與謀促前筵散移坐入後堂不令諸廳人從入坐間忽尉司人報提刑司有文字下尉請親拆仁勇即出勒兵盡護丞廳復就坐縛丞訊之立服具奏正刑趙妻

送歸父家

江湖紀聞

劉仁則太市一圖人至正間任袁州提舉家居時服役者皆鬼各命名呼遣有過犯亦杖撻夜行數十里擗轎如飛頃刻可到或延賓客所用杯杓黃白之物具備事畢仁則無所取悉遣還之終其世無異後至曾孫劉衡復有一鬼夜

義寧州志

卷三十二

雜記

十三 五百一十

竊入酒室醉卧不醒衡妻見而知其故潛以被覆自是泯其迹不復來矣至今其家祀之稱七聖郎君

舊志

寧州某寺嘗有青衣美娃從西過東到一處輒止亦不為妖然僧惡之請巫莫能治乃跡其止處掘之有泉甘香清冽行處隱隱若溝皆泉路也怪遂息噫泉亦欲自見於世哉

雨種新漚

成化六年都憲周南山舉鄉試第八名初有妒忌才名者指修水謔之曰某若中舉此水倒流其年七月初三日大雨水泛自安平港逆流至犀津灘上五里其水勢高五丈餘邑人異之又有烏鵲百餘飛遶門廬旬日捷音至即散先期學宮明倫堂東柱產靈芝一莖泮池中忽有小金鯉數十尾皆躍於戟門之前其兆如此

南山年譜

周泉坡尚書相傳為三公祠神化身其族叔僖敏巡撫甘肅
夜夢三公神至次日泉坡來署後泉坡背生一瘡百葯不
效遣人歸視祠宇漏淋神背為檢蓋塗飾瘡旋愈劉氏拾遺

雲巖帶髮僧始故明洪武間福建天竹塢寇橫掠鄰省詔下
議勦寺僧累千有某官寓寺忌其無禮因愆惠江西官云
僧兵可平寇遂奏請檄寺僧往勦僧聞駭逃只除寺長朝
夕憂慮忽有奇僧八人至寺謁寺長計較起兵彼先蓄髮
令寺在途不時出示招兵寇知亦必招兵八僧投作內應
技勇絕人寨主引作親兵自衛計僧兵刻日到寨以五砲
為號因殺寨主引僧兵洗巢太祖大喜召見予以官不受
但願蓄髮為僧予州衙十長二名每年額設工食二百八
十兩至今因之皂壯工食是其遺制劉氏拾遺

義寧州志

卷三十二

雜記

十四 五百五十

清水巖未開時一虎豹蛇虺所都蒼松古柏大者數十圍草
木蔽虧不見巖洞宋初有余白者兄弟巍宦獨耽山水遊
獵一日獵巖側見巨鹿當前忽不知所之縱犬驅之莫知
所在瞰數日得石穴有光巖洞幽深因伐山開道掃穴而
入但見石壁玲瓏鐘乳石筍難以名狀而清水澄澈容溶
一線莫知所從出余子姓居四都今猶侈稱其源委云全上
閩鄭繼之少谷集與周來軒酬贈頗多觀送周方伯入楚詩
云先帝需梁棟春官雜料樛匪材隨鑿澈是歲辱甄收分
忝門生列知慙孺子酬則鄭必來軒充會試同考官所取
者又壽張殷雲霄字近夫繼之同年進士亦見明史文苑
傳繼之聞近夫死復周方伯書盛稱近夫文行悲其凋喪
且云師弟子思義相通敢縷縷饒舌想近夫亦必為來軒

所取士志傳云得士為多殆非虛語王達淦艾學問譚
熊南岡膂力過人嘉靖四十三年有虎入城徒手搏斃獻於
州牧謝紹祖旌賞

王元美藝苑卮言云本朝謚典昆季並膺又同出一母者推
分寧周僖敏康惠為第一

碧血錄云萬歷癸丑周澣西以理學名儒哀然魁天下繇翰
苑給諫晉秩太常寺卿昌明禮樂之化身撼逆璫魏忠賢
幾與楊左諸公同及於難文章節義震耀海內蕭太史命
官撰澣西行狀云澣西平生不問家產惟義舉則不以有
無為解既已捐貲移學建南山寺塔而又以分寧素乏會
館復捐俸為同社諸士紳倡卜得正陽門外蕭公堂沒官
房屋五進請諸當事估價納值扁曰修寧會館據此則今
之文峯塔即古南山寺塔而今之會館亦在正陽門內其
為澣西肇創世皆不知而先後同符終若有神助焉

義寧州志

卷三十二

雜記

十五 五百一十

會稽女子商婉人能詩工楷法常仿吳綵鸞寫唐韻作廿三
先廿四仙武林沈澗芳名蓀為題絕句云簪花舊格自嫵
然顆顆明珠貫作編始識綵鸞真韻本廿三廿四是先仙

王阮亭池北偶談

興國州人陳才高少隨父來寧州傭工以食終身不娶歲積
僱值買田二十畝以租之入構茶棚於通衢煎茶以飲行
旅之渴者率以為常年八十餘而卒長源瑕租四十五石陳鴻逵代理以垂永久
武鄉有來蘇渡鶴林玉露載東坡往筠訪弟子由監酒稅時
經過此渡有句云石壓筍斜出岸懸花倒生萬歷中州牧
方訥菴建石坊於渡口柱間鏤蘇公問渡艾子流芳東坡

又過帶溪遇處士胡安鼎有句云帶水清盤石透中有高人自在居耳可洗兮齒可嗽惜全詩不傳今帶溪有游蘇

巷蝶莊集

王侍御應斗云余嘗兩過分寧寓雲巖僧舍其初時當崇禎癸未歲唐代古殿猶及見之再過則為乙酉寇焰之餘覩

昆明劫灰徒增悽惋

重修雲巖天王殿記

晉許真君學神方於大洞君西安吳猛遂與猛煉丹於黃龍幕阜十有五年驅逐蛟蜃故靈蹟多著於修水嘉慶三年教匪滋事真君嘗顯聖於大椿官溪雷坡尖等處賊兵入夜皆見兵衛旗幟不敢出境吳都賊匪將入城焚劫遠望城上火光燭天一紅袍金面人立女牆中指揮軍馬賊遂大潰事平郡守蔡齊明詳請給銀義寧民廣建宮宇

義寧州志

卷三十二

雜記

十六五百一十

陳坊之變匪黨往往遣婦女於各聚落舉火蓋欲驚擾居民乘隙劫掠耳古城嶺市往楚通衢一屋忽火起尋滅如是者再夜半有人跡之見婦數輩然束葦置簷間去有一美髯服絳袍者過焉火卒不起人以為旌陽真君所護也

儼神為古方相氏軒轅本紀云黃帝之妃曰嫫母貌醜而有賢德沒為方相之神以逐癘疫近代儼神多以生有功德於民者祀之鄉里演劇迎送謂之行儼分寧儼神之最靈者甚衆武鄉二十六都前明儼神俗稱宣帝素著靈異灾害禱無不應 國初里人袁燦若方次孟鄰倡捐置買田產戶立聯珠以供報賽嘉慶三年袁有族人某欲奪神會田耕衆畏其暴橫莫敢禦祝神禦之一夕某閉戶就寢忽被神從空中提出跪門外號呼乞命衆驚起趨視併力挽

之不動乃共代為禱神悔罪遂蹶然起回視其戶則扃如故也碎戶視之被履亦如故莫不訝神之靈應云

黃龍靈湫大僅逾尺每祈雨捫蘿躡磴陟其巔至則先為洗池池水從石壁一線隙中出魚蟲諸水族隨之祈者以得魚為應嘉慶丙子旱鄉人往祈並立壇於白石橋有巫者為神言曰吾昨夕自龍山獲二龍當於某日雨雨止吾當送去遂以瓶水貯之背黑腹赤蛇頭魚尾足一曰需然觀者如堵居人疲於應接且疑巫言不待其期而放之溪中是物溯流而上逕回龍山去其時日烈如燁竟天無雲須臾片雲從龍山起瀾漫四布雨如傾盆溪中怒濤高數丈白石橋田廬皆毀而四境獲霑足焉是所謂靈湫黃魚能致風雨者與

義寧州志

卷三十二

雜記

十七 四百九十五

大湖山界崇鄉高數百丈頂有湖數畝通洞庭山向有寺春夏聞龍鬪水湧寺門寺僧鳴鐘則退劉氏拾遺

良塘有端午龍舟女名五娘娘甚顯世祀之士人以為屈原之女子謂懷沙抱痛且不知其子又安知其女此必曹娥孝女楚人龍舟弔屈原吳人弔孝女曹娥忠孝皆得為水神自不誣劉氏拾遺

丹霞觀前有巨樟數株有一最大者枝多下垂若枝榼入土出神仙俗讖云樟榼落地八仙聚會觀左有煉丹井右有丹竈遺址取竈泥揉和井水以補鐵器入火燒之宛如新鑄

天馬山在長茅十二都其形前高後下如馬脊上有石纍纍方正如印俗呼為天馬駝印秀水從山前發脉縈紆百折

流二十餘里安鄉水陡石怒惟此水平沙淺瀨波濤息響
即春流湍急亦不聞澎湃聲水中金沙萬點與日爭光豁
然奪目俗傳其年有鄉人士登科或及第秀水必湧至港
口逆流二三里許謂水潮固可覘一鄉氣運亦溪流之靈
也劉氏拾遺

康熙年間雲巖住持僧平吉行甚高青雲坊請放焰口正登
臺說法為醉人嘔穢臺傾是夜馬市東嶽祠有數人借宿
次早不起喚醒云是夜夢東嶽神著其檯轎至州觀焰口
僧口吐出朶朶蓮花後為醉人氣穢臺倒彼此合符亦異
事也劉氏拾遺

龍潭峽亭左側有白家塘其深莫可紀極窅然而黑相傳先
代有百姓住此男婦并屋登時沉沒只有老母因逐犬出

義寧州志

卷三十二

雜記

十八 四百八十五

得生今為神坐征村神仙嶺泉通山頂土人有旱禱神至
塘畔來之立應康熙丙申洪水衝出屋柱及磚其木堅如
鍊全上

雍正元年土賊黃本習鄒文詔蠢動旋拿正法二年合州因
客籍罷考府憲汪臨州安撫士民呈請於銅營咨提前營
遊府添兵移鎮並移瑞郡軍府駐劄彈壓徹去土城請捐
各官役俸工築城而銅營遂為重鎮全上

乾隆二三年銅鼓山崩兩處一崩出銅鐘高九寸圓四寸一
崩出銅鴨鐘為寺長覺波買得鴨為州侯許取去全上

銅營署左火神廟鄧侯建乾隆十四年雲巖寺長覺波重脩
一重分府田倡緣脩一重有序全上

仁鄉樸田近古艾縣有土墩舊名陝君墩嘉慶間忽穿孔窺

其中空洞里人遂縋其穴見石屋數楹甚寬廣中門壘石封甚固左右石壁有古篆文漫滅不可辨識後以土塞其穴如故按此或即逸周書武王時艾佚侯之陵也曰陝君者武王都陝艾侯受封於陝故名之與

武鄉二十八都佛堂山古有五顯廟廟像不知昉於何代自宋以來帶溪胡氏黃田張氏吳氏世祀之胡濬源有記其畧曰五顯靈順載明史禮志祀典以四月八日九月二十八日遣太常官致祭云或以為佛書所謂華光如來此釋家附會小說也廟在半山間前臨溪河其中有龍潭潭廣十餘畝渟深莫測口峙雙厓北曰鷹嘴厓上流叠兩石坎坎口如甕水從其中激瀑傾注聲如雷轟每大旱禱於廟則登鷹厓以請於潭即有龜蛇浮出以為雨應盖潭靈與廟神相

屬也傳聞前代土寇為亂居民恃神捍禦獲安堵其或歲遇旱潦禱輒應疫癘流行未嘗入境嘉慶三年州境小醜滋事此地賴神示顯教寧輯無動盖由宋元明迄今祀神靡敢不虔者考神位龍輿刻前明成化間重脩廟自康熙乾隆間重修獨神像年代無考亦無古碣今且再次重脩矣爰總神之功烈祀之綿遠山川之靈勝大畧著於碑俾知神之功德昭著無窮而其從來亦可意逆而知也

雜記者本傳所不詳其佚時時見於他說且於事無可附麗概以此統之舊志缺雜記如縣尉嚴仁勇事舊附流寓中余氏烏龍塚及劉仁則役鬼事舊載仙釋俱於體類未合改入於此其他蒐輯羣籍閒采傳聞一二聊以補前志所未盡且以資博雅譚枋焉

義寧州志捐貲姓氏

城內捐貲姓氏

職員查光懷清以捐錢壹千千 布經王三錫華捐錢壹百千

訓導胡秉銓醇化 監生周松園裔

監生何津裔 監生何欽簡郁心 各捐錢肆拾千

石質剛捐錢貳拾千

徐光泰 千總徐逢春 道正劉徽五

附貢胡夢麟南有 胡廷表 各捐錢拾貳千

泰鄉捐貲姓氏

印山書院 布經歷韓文邠躬翌 各捐錢捌拾千

登仕郎鄒葆堂裔 儒林郎余谷春甫堂 各捐錢肆拾千

鄉飲陳維新 監生余墀丹步 各捐錢貳拾千

義寧州志 卷三十二 捐貲姓氏

一

鄉飲鄭啟祥 監生黃堂耀 各捐錢拾陸千

鄉飲陳振光 鄉飲曾紹傳 鄉飲余樹德

武舉陳殿鰲 鄉飲王燕賓 余特立

徐許升 陳志敏 余斐然 各捐錢拾貳千

安鄉捐貲姓氏

教諭龔旭健夫 捐錢壹百千 鄉飲黃維产捐錢肆拾千

萬東孫捐錢叁拾千

鄉飲陳希鏡 鄉飲龔祚几輝 龔則釗 徐德清

黃同升 劉尚德裔 饒寅會 各捐錢貳拾肆千

涂滄琦 余福衆 各捐錢貳拾千零捌百

龔則高 龔淵源 彭泳夫 各捐錢貳拾千

貢生龔裕 布經龔祥燦雲 龔復

鄉飲陳瑞祥 石榮堅

蕭如璜

鄉飲徐璜 黃玉茗

蕭繼唐 惠長興

各捐錢拾陸千

貢生陳鴻達裔

監生龔最心餘

瞿福壽 蕭儀殷

瞿因宜 黃鳴岐

傅承鑑 黃佑三

熊宗美 龔圍四

龔勝韜 龔勝畧

各捐錢拾貳千

奉鄉捐貲姓氏

封翁榮廷彥裔 李遇泰裔 劉禮吾裔 各捐錢肆拾千

封翁榮潤裔捐錢叁拾貳千

州同張遴裔 李宗善裔 各捐錢叁拾千

監生張遂裔 貢生熊澧鏡泉 各捐錢廿四千

義寧州志 卷三十二 捐貲姓氏

二

封翁王觀國裔 監生王立元誠一 張子玠裔

各捐錢貳拾千

封翁張肇機裔 鄉飲王定原

貢生劉照乙可琴 監生許膺泰 各捐錢拾陸千

王雲林捐錢拾貳千捌百

封翁榮六韜裔 武舉王元標 鄉飲王國模

封翁榮起蛟裔 鄉飲王泰堦 生員王作楫

監生張華玉裔 監生張誥成贈五 監生張達

監生張鳳鳴鑑秋 鄉飲張發祥 鄉飲張立德

監生張英萬松 監生張偉步馨 布經張麟定祥

布經張泰煥青 張俊顯聲 張裕忠

監生張起鵬 張維寅 張亦莊

鄉飲熊希哲裔

熊潤九

鄒輝藻

監生熊偉琦可立

廩生熊登墀裔

監生熊瑞森之用

鄉飲王應祥

貢生榮元龍裔

何超萬

王彩璘

許永松

許為質

監生李宣公著

各捐錢拾貳千

武鄉捐貲姓氏

守備劉躍龍捐錢壹百千

監生周鴻業永春捐錢伍拾千

鄉飲胡彩堂裔捐錢肆拾千

布經戴廉捐錢叁拾伍千

封翁胡皜亭裔捐錢叁拾肆千

州同戴承禮 儒林郎戴立精 時興邦裔各捐錢叁拾千

貢生袁繼照裔 時見中 各捐錢貳拾肆千

義寧州志

卷三十二

捐貲姓氏

三

胡忠節裔

袁觀孫

戴席豐

查世衡

鄉飲查彥魁 鄉飲謝光遠

監生吳秀章各捐錢貳拾千

監生查廉圃

劉觀孫

熊尹石裔

監生帥斯章

布經黃寶樹 登仕郎帥正鄉 帥錦廷

各捐錢拾陸千

鄉飲周廷瑞捐錢拾伍千

鄉飲張廷勳捐錢拾肆千

莫勝迴捐錢拾叁千

封翁胡毅庵裔

胡攻聲裔

胡岳峯裔

鄉飲胡三汲裔

鄉飲胡全雲裔

胡桂攀

鄉飲胡愕

監生劉夢羆

監生劉夢麟

鄉飲劉奠邦

監生劉守寬拱辰

劉志孫

劉澄孫

劉汲泉

監生袁璘元勳

監生袁慕賢景瑗

袁紱麟書

鄉飲袁守叅

袁連波

袁序廷

聯珠案

鄉飲時大來

鄉飲時立

蕭遠孫

鄢留耕

鄉飲周之楨

周大福

周宜三

盧章元

鄉飲陳廷甲

監生陳惠疇

監生陳序幾

鄉飲謝松齡

龔青疇

永平脉龍 橋

莫紹周

監生莫與京

新榮

監生莫其弼

莫金成

監生莫周

鄉飲余化龍

各捐錢拾貳千

高鄉捐貲姓氏

貢生魯瞻泰

忱恂

捐錢叁拾千

貢生陳大鯤

德孚

鄉飲陳鴻恩

外委陳文選

章杭山裔

監生陳中林

明廣

監生陳謙吉

各捐錢貳拾千

鄉飲劉雲瑞

石贊賢

各捐錢拾陸千

義寧州志

卷三十二

捐貲姓氏

四

鄉飲陳惠捐錢拾肆千

鄉飲徐恒馨

監生徐崇德

徐奕範 嚴象東

徐導孚

陳玉輝

甘達文

各捐錢拾貳千

崇鄉捐貲姓氏

鄉飲平章捐錢貳拾肆千

百戶梁韜

周垂雲

各捐錢貳拾千

封職葉際春

儒林郎葉清

各捐錢拾伍千

監生陳殿光

育才

監生陳翰裔

鄉飲陳鯤

貢生陳應楷

葉照廬

葉阿王

封職葉應麟

桑景星

王建文

鄉飲王華清

鄉飲王則吾

監生王耀廷

周鑾孫

監生周頌

鳴臯

大石口義渡

生員邵化成溶川

監生梁學儀世佩

苦竹灘渡

鄉飲梁光亨

黃文忠裔

盧梅永

鄉飲盧定軒

貢生盧中寶

王伯安祠

紫雲福主會

各捐錢拾貳千

仁鄉捐貲姓氏

監生盧人龍谷松

捐錢陸拾千

監生徐元勳懷明

捐錢肆拾千

職員冷梅佳肖岩

捐錢肆拾千

貢生朱坦垣裔捐錢卅陸千

鄉飲樊如松捐錢叁拾千

鄉飲朱光衆捐錢貳拾肆千

鄉飲冷芬繼龍

貢生朱盈川裔

朱聖學裔

各捐錢貳拾千

鄉飲盧敏

吳聯輝裔

監生冷梅羹

各捐錢拾陸千

監生冷英華浣垣

捐錢拾肆千

義寧州志

卷三十二

捐貲姓氏

五

主簿冷守中裔

冷公懋裔

冷宏化裔

冷淳化裔

冷南橋裔

鄉飲冷大洛禹範

貢生冷逢恩湧漣

鄉飲朱學富

朱文敬

彭高鳴

王元孫

盧鎭九裔

盧容齋裔

盧曉山裔

盧泉源裔

鄉飲樊尚巡裔

鄉飲樊星平

鄉飲樊平章

吏員樊學立

匡璠裔

鄉飲匡定才

熊苗裔

樊鎮孫

鄉飲樊正儒

善士王道光德

各捐錢拾貳千

西鄉捐貲姓氏

監生曹大魁貫五

捐錢肆拾捌千

貢生孫克繩

監生曹定喆

鄉飲晏旭東各捐錢拾貳千

懷遠都捐貲姓氏

監生邱南山捐錢陸拾千

封職賴揆文裔捐錢伍拾千

例貢盧傳

生員魏廷聘

各捐錢肆拾千

節婦賴徐氏捐錢叁拾貳千

封職賴春芳

儒林郎邱燦遠

邱端我 邱永瞻

州同賴大富方穀

監生余興遠

管體賢 葉茂松

奎光社

各捐錢叁拾千

知縣温溶

監生鄭松五

盧峙山

吳廷康象賢

各捐貳拾肆千

監生邱騰遠

布經歷賴暄

郭日山

封翁張能信

州同余緒巨

各捐錢貳拾千

監生林植三

黃益清

羅則學

温福勝

邱茂貴

各捐錢拾陸千

靈星萬壽宮

鍾錫祿

各捐錢拾肆千

義寧州志

卷三十二

捐貲姓氏

六

邱盛一捐錢拾叁千

登仕郎邱國鳴

邱芳嵩

邱志隅

邱發元

監生邱登如

邱興武

邱斯清

邱汝教

邱迪選

邱廷拔

邱京琳

邱明光

監生邱照臨

賴興

賴瑞文

巫祖禮

監生賴宜常

林俊興

林有楫

林文彩

布經林光譜春茂

監生林松

林相臣

練在廷

監生朱遠青

何錫類祠

葉盛萬

涂定喜

監生朱正本

生員何豹

何仕達

何承茂

監生張元舉

張仕銓

馮學鳳

姚芳玉

監生江安瀾

藍子有

鍾明孫

鄧群英

監生李必端

李九棟

劉子陵

劉德忠

州同曾積忠

生員曾奉璋

監生闕華袞

貢生王維翰

監生郭仕揚

監生鄭夢賢

蕭大斌

曾學文

郭仕拔

州城天后宮

山口文昌宮

各捐錢拾貳千

方外

鰲峰寺僧蓮會捐錢肆拾千

千輻寺僧淨月 圓覺寺僧惺慧

各捐錢拾貳千

捐貲姓名以捐數多少列前後少必滿十二千方行登載其不及十二千自一二千至十千不等姓名另勒石於考棚

義寧州志

卷三十二

捐貲姓氏

七

通計樂助七千餘吊除修志外湊買 京都會館六百吊又預貯修通志若干仍有贏餘公議入典生息以為賓興士子入場小助此項係各鄉都慷慨樂助修志者方得與此容俟通盤會計酌定章程呈明 當事以垂久遠

□□□□□□□□□□